

Headline	Lebih 700,000 akaun tidak aktif		
MediaTitle	Kosmo		
Date	08 Oct 2019	Color	Full Color
Section	Negara	Circulation	155,996
Page No	16	Readership	467,988
Language	Malay	ArticleSize	299 cm ²
Journalist	N/A	AdValue	RM 7,789
Frequency	Daily	PR Value	RM 23,368



TH syorkan pendeposit buat traksaksi elak wang dipindah ke Akaun Dormant

Lebih 700,000 akaun tidak aktif

KUALA LUMPUR - Lebih 700,000 akaun pendeposit Lembaga Tabung Haji (TH) melibatkan jumlah simpanan sebanyak RM60.4 juta didapati tidak melakukan sebarang transaksi melebihi tujuh tahun berturut-turut mulai tahun 2012 sehingga akhir Ogos lepas.

TH dalam satu kenyataan semalam menasihatkan pendeposit terlibat agar mengaktifkan akaun masing-masing dengan membuat sekurang-kurangnya satu transaksi simpanan atau pengeluaran wang di mana-mana cawangan TH, kaunter uniteller atau

melakukan transaksi atas talian dengan mana-mana rakan strategik TH iaitu Bank Islam, Bank Rakyat, Maybank dan CIMB di seluruh negara.

Menurut kenyataan itu lagi, akaun-akaun yang masih tidak diaktifkan selepas 1 November ini akan dipindahkan ke dalam kumpulan Akaun Dormant (Tidak Aktif).

Namun, amaun yang dipindahkan ke Akaun Dormant itu masih lagi boleh ditutut dan dibayar kepada pendeposit TH menurut peruntukan Seksyen 23(2) Akta Tabung Haji 1995.

"Setiap tahun, TH akan

mengingatkan pendeposit untuk memastikan status akaun sentiasa aktif, di samping mengemas kini data peribadi seperti alamat, nombor telefon dan penuaan waris bagi memudahkan TH menghubungi pendeposit atau waris mereka untuk urusan penghantaran surat tawaran haji dan pengurusan akaun," menurut kenyataan itu.

Orang ramai boleh menghubungi talian khidmat pelanggan TH di **03-6207 1919** untuk sebarang pertanyaan berkaitan akaun tidak aktif atau sebarang perkhidmatan. - Bernama



BANGUNAN Menara TH (tengah) yang terletak di Jalan Tun Razak, Kuala Lumpur.